

M541B: Herbort von Fritzlar: 'Liet von Troye' (B)

0,13017 Als der lewe danne tut
0,13018 Achilles der helt gut
0,13019 Der quam vf sie gerant
0,13020 Wie er den ritter vant
0,13021 Zuroffe oder zu fuzze
0,13022 An ftade vnde an muzze
0,13023 Sluc er flege vber flege
0,13024 Sie hetten kein gehege
0,13025 Was er ir vber zoch
0,13026 Der ietzo hie difen floch
0,13027 Der begunde wider mit iagen
0,13028 Der difen iagt fur einen zagen
0,13029 Der wart selber geiagt
0,13030 Sie waren alle verzagt
0,13031 Was ir kune was gewefen
0,13032 Ir mochte lutzet genefen
0,13033 Welchen er der recken
0,13034 Mit finen brunen ecken
0,13035 Ergen mochte er langen
0,13036 Dez leben was ergangen
0,13037 "Waz ift diz sprach troylus
0,13038 "Wie vert dirre man fus
0,13039 Er vert wol mit fchalle
0,13040 Wir fliehen einen alle
0,13041 Wir muzzen vns wol fchamen
0,13042 Daz wir han ritters namen
0,13043 Oder ie pris gewonnen
0,13044 Sit wir nit enkunnen
0,13045 Einem manne wider ftan
0,13046 Mir ift leit daz ich den lip han
0,13047 Vnde in nit tar verliefen
0,13048 Ich wil den tot kiefen
0,13049 Oder ich behalde min ere
0,13050 Der min frunt sie der kere"
0,13051 Troylus da karte
0,13052 Mit im die baftharte
0,13053 Do achilles gewar wart
0,13054 Daz er vmme was gekart

0,13055 Er acht ez harte kleine
0,13056 Vnde kerte im engeine
0,13057 Sie vnder huwen sich
0,13058 Hart ir ieglich
0,13059 Dem andern wider ftunt
0,13060 Iedoch wart er e gewunt
0,13061 Der ez minner angeft hete
0,13062 Daz was achilles der drete
0,13063 Im wart ein fulche wunde
0,13064 Daz er nit enkunde
0,13065 In dem ftrote bliben
0,13066 Wer er von tufent liben
0,13067 Sin wunde was fo groz
0,13068 Daz blut im auch fo nider goz
0,13069 Daz er zu den ziten
0,13070 Dannen muhte riten
0,13071 Ez was auch an der vesper zit
0,13072 Si kerten heim beider fit
0,13073 Siben tage die≈wile er vacht
0,13074 Von dem morne biz an die nacht
0,13075 Alle zit vnde alle wis
0,13076 Bezalte troylus den pris
0,13077 Vnde mit im die vz der ftat
0,13078 Die toten wurden beftat
0,13079 Vnde geruweten ir lide
0,13080 Man nam von beider fit vride
0,13081 Do heileten fine wunden
0,13082 Achilles in den ftunden
0,13083 Do priamus hette vernomen
0,13084 Daz achilles was zu ftrote komen
0,13085 Do fchuldigt er ecubam
0,13086 Wan fie polixenam
0,13087 Ime gelobet hete
0,13088 "Achilles ift vnftete"
0,13089 Sprach er zornliche
0,13090 "So mir got der riche
0,13091 Sin gelubede ift ein wint
0,13092 Wir hetten felber vnfir kint
0,13093 Vil nahe ver raten"
0,13094 Vil mange rede fie taten
0,13095 Beide vor vnde vort
0,13096 polixena het erhort
0,13097 Daz achilles was gewunt
0,13098 Also fchiere fie ez entftunt
0,13099 Do fprach fie harte ftille
0,13100 "Got genade her achille
0,13101 Mir muz wol vmme in leit wesen
0,13102 Mochte der herre genesen

0,13103 Ich wolde in gerne liep han
0,13104 Er ift hubfch vnde wol getan
0,13105 Vor andern rittern vz erkorn
0,13106 Rich vnde wol geboren
0,13107 Ein hart kune ftark man”
0,13108 Einen boten fie gewan
0,13109 Deme herren fie enbot
0,13110 Ir were leit vmme fine not
0,13111 Do er die botfchaft vernam
0,13112 Drivaltic leit in an quam
0,13113 Vmme fine wunden daz was ein
0,13114 Daz ander daz er dez tages er fchein
0,13115 Zu ftrote vnde zu vechte
0,13116 Wider finem rechte
0,13117 Die dritte was im wider komen
0,13118 Von der ir vor hat vernomen
0,13119 Daz was vmme die minne
0,13120 Daz im die kuneginne
0,13121 Boten hette gefant
0,13122 Die botfchaft vberwant
0,13123 Die andern fwere
0,13124 Im half daz liebe mere
0,13125 Daz er fchiere genas
0,13126 Von dem er wunt worden was
0,13127 Dem drauwet er an dem libe e
0,13128 Wer mich vz dem werren hie
0,13129 Kunde befcheiden
0,13130 Von den drin leiden
0,13131 Vnde von der liebe der mite
0,13132 Vnde auch von dem vnfte
0,13133 Daz er dem drauwet zu dem libe
0,13134 Dez fwefter er zu wibe
0,13135 Harte gerne hete
0,13136 Wer ez wifte oder tete
0,13137 Der wer wifer danne ich
0,13138 Doch verfinne ich mich
0,13139 Biz ichs gelerne
0,13140 So/ bericht ichs uch gerne
0,13141 Ietzo was die ftunde
0,13142 Daz in begunde
0,13143 Der vnfride nehen
0,13144 E fie den tac gefehen
0,13145 Daz fie zu velde folden
0,13146 Sie en mochten noch enwolden
0,13147 Langer nit beiten
0,13148 Sie begunden fich reitē
0,13149 Achilles die fine fcharte
0,13150 Er wifet fie vnde larte

0,13151 Als sie zu ringe quemen
0,13152 Daz sie troylus war nemen
0,13153 Alfus er zu den finen sprach
0,13154 Wan im sin zorn fere wach
0,13155 "Min fele von mir scheide
0,13156 Ich engetu im also leide
0,13157 Als er mir hat getan
0,13158 Mich entrige min wan
0,13159 Ich tot in oder er mich"
0,13160 Zu velde huben sie sich
0,13161 Da stuben schefte vnde clungen swert
0,13162 Vnde lieffen ros vnde pfert
0,13163 Die dar vffe sazen
0,13164 Die hetten sich gelazze
0,13165 Zu tode vnde zu libe
0,13166 Dar nach daz die schibe
0,13167 Dez geluckes laufet vnde get
0,13168 Vnde vber vert vnde entset
0,13169 Nach gelucke vnde nach heyle
0,13170 Do furte finen lib veile
0,13171 Troylus allen tac
0,13172 Enpfenc vnde gab mangan flac
0,13173 Do wider reit im achilles
0,13174 Den wundert wie vnde wes
0,13175 Im wer zu mute
0,13176 Daz er ane hute
0,13177 Im so dicke wider reit
0,13178 Ez ducht in ein unwilheit
0,13179 Er reit vf in iener hielt in hart
0,13180 Von ir wedrem geboten enwart
0,13181 Bezzerunge noch vnscholt
0,13182 Sie riten mit vngedolt
0,13183 Ir wederer dem andern engegen
0,13184 Mit vil vngefugen flegen
0,13185 Der harte stahel da er clanc
0,13186 Daz fur nach deme flage vz sprach
0,13187 Vnde der halpberg zer reiz
0,13188
0,13189 Vliezen begunde
0,13190 Ein hart vbel stunde
0,13191 In beiden samt entstunt
0,13192 Sie wurden fere gewunt
0,13193 Achilles het die craft
0,13194 Da im der helm mite was gehaft
0,13195 Die riemen er im gar zer schriet
0,13196 Dez enmochte troylus niet
0,13197 Dez helmes enthalten
0,13198 Dez wart im zer spalten

0,13199 Sin haubet mitten in zwei
0,13200 Da wart beider fit gefchrei
0,13201 Die krichen mit schalle
0,13202 Die andern von dem valle
0,13203 Wan troylus erlagen was
0,13204 Er viel tot vf daz gras
0,13205 Aller zer hauwen
0,13206 Dez schrieten die frauwē
0,13207 Oben vf der zinnen
0,13208 Vnde die da fazzen enbinnen
0,13209 Durch warten vnde durch kaffen
0,13210 Biben zan claffen
0,13211 Clage forge fwere
0,13212 Iemerlich gebere
0,13213 Hetten sie in der stat al
0,13214 Ander fit freude vnde schal
0,13215 Achilles durch vnwerd
0,13216 hiez in einem pferd
0,13217 Zu dem zagel binden
0,13218 Als ich geschriben vinden
0,13219 Der in finem pferde zu dem zagel bant
0,13220 Der was kalo genant
0,13221 Do schrei alles daz da was
0,13222 Paris vnde enead
0,13223 Polidamas vnde mennon
0,13224 Priamus von ylion
0,13225 Vnde sin wib vnde sine kint
0,13226 Mochten weinens werden blint
0,13227 Mennon der kuneg von perfia
0,13228 Der volget mit den finen na
0,13229 Vf kalonem er hurte
0,13230 Der in an dem pferde furte
0,13231 Er sprach da er in vber reit
0,13232 "Kalo mir ist harte leit
0,13233 Daz ir in difem lande
0,13234 Vns sus getane schande
0,13235 An vnferem frunde enboten hat
0,13236 Ich wene ir mirs ein pfant lat"
0,13237 Als er daz wort gesprach
0,13238 Gein dem rucke er in in stach
0,13239 Durch den buch vz ander fit
0,13240 Da hub sich ein nuwe strit
0,13241 Achilles rante aber dar
0,13242 Mennon mit finer schar
0,13243 Troylum in werte
0,13244 So daz er in bewerte
0,13245 Groz arbeit er dez gewan
0,13246 Da verlos achilles mangel man

0,13247 Vnde wart auch selber gewunt
0,13248 Der ftrit eine wochen ftunt
0,13249 Daz fie nachtes nie gelagen
0,13250 Noch tages ruwe nit enpflagen
0,13251 Achilles hette grozzen zorn
0,13252 Daz er kalonem hette verlorn
0,13253 [Den] [mennon] [hette] [erflagen]
0,13254 Er begund ez finem volke clagen
0,13255 Sine ritter er bat
0,13256 Daz fie vf der walftat
0,13257 Sin war nemen
0,13258 Als fie zu frite quemen
0,13259 Daz er bat daz gewart
0,13260 Da fie zu frite waren gekart
0,13261 Vnde mennon vf daz velt quam
0,13262 Achilles fin war nam
0,13263 Vnde beringet in vf dem ringe
0,13264 E der ftrit erginge
0,13265 Vnde zu ende queme der tac
0,13266 Mennon da erflagen lac
0,13267 Achilles fluc in der nider
0,13268 Weder e noch fider
0,13269 Wart grozzer ruwe
0,13270 Der herre was getruwe
0,13271 Kune zu fchilde
0,13272 Rich vnde milde
0,13273 Vnde von edeler gebort
0,13274 Sin tat vnde fine wort
0,13275 Quamen ie zu eren
0,13276 Sinen frunden wo fie werē
0,13277 Daz er tot wart berat
0,13278 Da wart gerant vnde getrat
0,13279 Vnde gerufen vnde gefchrit
0,13280 Achilles het in zer fchit
0,13281 Wol in hundert ftucke
0,13282 Durch fin vngelucke
0,13283 Quam zu frite paris
0,13284 Vnde phylemenis
0,13285 Phyon vnde efdras
0,13286 Eneas vnde polidamas
0,13287 Gein in dyomedes
0,13288 Menelaus vnde vlixes
0,13289 Ajax vnde thelamon
0,13290 Vnde agomenon
0,14379 Sie enwifte daz er erflagen
0,14380 Vor mangem iare lag
0,14381 Da fis vernam fie erfchrag
0,14382 Da fante die frauwe

0,14383 Mit vlehe vnd mit trauwe
0,14384 Nach irn wiben allen
0,14385 Das paris was ervallen
0,14386 Da ir daz wart gefag
0,14387 Da muft wib vnd magt
0,14388 Sweren eine heruart
0,14389 Als ir daz gefagt wart
0,14390 Das troylus auch was tot
0,14391 Vber al ir lant fie gebot
0,14392 Welch wib
0,14393 erheben mochte ein fwert
0,14394 Das fie fure zu troy wert
0,14395 Als noch dant
0,14396 Deyphebus tot ervant
0,14397 Do enwas da beidens niet
0,14398 Vz irme lande fie schiet
0,14399 Hart wol werhaft
0,14400 Vnde fur mit einer grozen kraft
0,14401 Mit einem michelem wibes her
0,14402 Zu helfe vnde zu gewer
0,14403 Den zu troy inne
0,14404 Dez wart die kuneginne
0,14405 Frauwe pentefilia
0,14406 Hart wol enpfangen da
0,14407 Mit andern irn frauwen
0,14408 Wer wunder wolte fchauwen
0,14409 Der mochte fehen wunder
0,14410 Kein wib was dar vnder
0,14411 Sie wer fo wol gar
0,14412 Daz in ritterlicher fchar
0,14413 Noch nie kein man
0,14414 Schoner harnafch gewan
0,14415 Da fie quam in die ftat
0,14416 Die frauwe priamum bat
0,14417 Daz er fich rechte in den ftrit
0,14418 Sie sprach "nv hector tot lit
0,14419 Nu enhoret anders nit dar zu
0,14420 Wan ritter/ glich fin koltzen fchu
0,14421 Helm vf haubt halßperg an
0,14422 Reitet vch balde ir man
0,14423 Wir wib fin gereitet
0,14424 Mir ift hectoris tot leit
0,14425 Wir muzzen vf daz gevilde"
0,14426 An irem wizzen fchilde
0,14427 Was ein gulden rant
0,14428 Auch man dar ane vant
0,14429 Edel gefteine
0,14430 Groz vnde cleine

0,14431 Ich enweiz was ich me spreche
0,14432 Wan fie was wol zu gereche
0,14433 Vnde ir wib alle
0,14434 Zu rume vnde zu schalle
0,14435 Do reit sich phylemenis
0,14436 Zu strite wol in alle wis
0,14437 Da er was bereitte
0,14438 Da wart er ir geleitte
0,14439 Recht biz an daz burgtor
0,14440 Da die krichen lagen vor
0,14441 Dardanides hiez die porte
0,14442 Da der krichen volk gehorte
0,14443 Daz fie vf taten
0,14444 Sumlich dar fur traten
0,14445 Sumelich zu roffe sprungen
0,14446 Da wart gedrunge
0,14447 Mit grozzer vnminne
0,14448 Die da warn inne
0,14449 Gerne fie vz wolden
0,14450 Die dar vze wfen soldē
0,14451 Die wolden gerne dar in
0,14452 Dez wart gezog vnder in
0,14453 Der quam vz hin ein teil
0,14454 Sumelichen geschach da heil
0,14455 Sumelichen vnfelikeit
0,14456 Daz krichsche volk fig streit
0,14457 Vnde bezalte da den pris
0,14458 Der kune phylemenis
0,14459 Der was vz der stat komen
0,14460 Der hette grozzen schaden genomen
0,14461 Was daz im polidamas
0,14462 Zu guten staten bi was
0,14463 Polidamas flug vmme sich
0,14464 Vnde finer gefellen ir ieglich
0,14465 Einen kuneg er nider flug
0,14466 Der ir banier truc
0,14467 Den er katen die von troye
0,14468 Vnde die von pafagoye
0,14469 Die waren mit phylemene
0,14470 Ez was ioch vnwene
0,14471 Die krichen enfolden keren
0,14472 Zu der flucht mit vneren
0,14473 Ir was auch ein teil gekart
0,14474 Iedoch in des trost wart
0,14475 Dyomedes zu/ reit
0,14476 Vnde menesteus der helt gemeit
0,14477 Vlixes vnd agomenon
0,14478 Ajax vnde thelamon

0,14479 Quamen fo zv gerurt
0,14480 Als sie dar gefurt
0,14481 Der starke wint hete
0,14482 Ir gefellen vngerete
0,14483 Wandelt sich schiere
0,14484 Sie trieben die troyere
0,14485 Recht vf die graft
0,14486 Wan die inner kraft
0,14487 Gefchutz vnde steine
0,14488 Ir wer genesen kleine
0,14489 Ez riten vnder des
0,14490 Die frauwē amazones
0,14491 Von amazonien lande
0,14492 Ez enduchte enhein schande
0,14493 Als ez hie zu lande were
0,14494 Das sie mit vngere
0,14495 Mit schilden vnde mit fwerten
0,14496 Starkes sturmes gerten
0,14497 Sie enkunden hie nit der mite
0,14498 Sit ez aber da was fite
0,14499 Sie begingen die fit da also
0,14500 Daz sie ez alle wurden vnfro
0,14501 Die vor mangel iaren
0,14502 Zu ftrite gewesen waren
0,14503 Sie volget ir frauwen
0,14504 Vnde gingen vnde hauwen
0,14505 Wo ir frauwen ros sprang
0,14506 Ir gereite alle vol schellen clang
0,14507 Vnde ander ir gefmide
0,14508 Mit zorn vnde mit nide
0,14509 Dyomedes sie bestunt
0,14510 Des wart er fere gewunt
0,14511 Dar vmme zurnet thelamon
0,14512 Er sprach "ich bin vngewon
0,14513 Daz ein wib einen man
0,14514 Mit sper vnde mit schilde rit an
0,14515 Vnde gezeme vil baz
0,14516 Ob ir zu mannen hettet haz
0,14517 Das irs anders an in rechet
0,14518 Danne ir in mit spere stechet"
0,14519 Dez quam er vf sie gevlogen
0,14520 Vnde begreif sie mit dem satel bogen
0,14521 Vnde wolde sie nider ziehen
0,14522 "Ir muget mir nit enpflihen
0,14523 Daz uwer der tufel walde
0,14524 Nv gebet daz fwert balde"
0,14525 Sie sprach "ir heifchet mit fwert
0,14526 Dez wert ir hart wol gewert"

0,14527 Sie flug mit dem fwerte dar
0,14528 Daz er viel vnder die fchar
0,14529 Da wart er geflagen vnde getrat
0,14530 Doch wart er kume berat
0,14531 Vnde e er queme dannen
0,14532 So gefchach finen mannen
0,14533 Vnde im fchade fo groz
0,14534 Daz ez alle die verdroz
0,14535 Die den herren folten retten
0,14536 Man mochte in dem blutte wetten
0,14537 So vil hette fie erflagen
0,14538 Ir wib begunden zu iagen
0,14539 Die krichen wichen in vor
0,14540 Da wart hector
0,14541 Gerochen von wiben
0,14542 Wer ez folde fchriben
0,14543 Er quem ez nummer zu ende
0,14544 Sie befprengeten ir hende
0,14545 Mit zornigem müte
0,14546 In der krichen blute
0,14547 Der krichen lag da vil erflagen
0,14548 Sie folden vil nahe erzagen
0,14549 Wan fie hetten enhein hege
0,14550 Sie kunden ir flege
0,14551 Langer nit erliden
0,14552 Sie vlogē in ir heimidē
0,14553 Da wurden fie vz geiagt
0,14554 Beide wib vnde magt
0,14555 Slugen was fie ir begriffen
0,14556 Jene vlogen zu den fchiffen
0,14557 Die frauwen volgeten in nach
0,14558 Vnde taten in einen fchach
0,14559 Vf vnde nider vmme den ftat
0,14560 Sie warn vil nahe worden mat
0,14561 Da enmocht der fuzgenge
0,14562 Genefen die lenge
0,14563 Sich enkunden die alden
0,14564 Nergen behalden
0,14565 Die fchif fie in verbranten
0,14566 Was fie ir beranten
0,14567 Die ritte mochten nit genefen
0,14568 Der kune wer mat gewefen
0,14569 Wan≈daz er vafte fur floch
0,14570 Wo die kuneginne nach zoch
0,14571 Von den fchiffen biz an die gezelt
0,14572 Da enwas enhein velt
0,14573 Ez enwere von warte vol
0,14574 Wan≈daz er die zuge kunde wol

0,14575 Er muſte mat ſin beliben
0,14576 Het die nacht auch nit vertriben
0,14577 Die kuneginne dannen
0,14578 Im vnde ſinen mannen
0,14579 Wer zer gangen die macht
0,14580 Do gehalf im die nacht
0,14581 Der ſie von dem ſchache treib
0,14582 Das er vf dem velde bleib
0,14583 Do ſie dannen ſchieden
0,14584 Braten vnde fieden
0,14585 Priamus harte vil hiez
0,14586 Den frauwen er bereiten liez
0,14587 Beide wilde vnde zam
0,14588 Da die frauwe in die ſtat quam
0,14589 Er pflag ir zu danke
0,14590 Mit az vnde mit tranke
0,14591 Er furt auch mit minnen
0,14592 Ir gefellinnen
0,14593 Die wichaften amazones
0,14594 Vnd genadet in des
0,14595 Das ſie mit ern
0,14596 Zu velde gewefen wern
0,14597 Die krichen waren ſo entan
0,14598 Sie enwiſten was an gan
0,14599 Doch was ez alſo wehe
0,14600 Daz man balde ſehe
0,14601 Was man tun mochte
0,14602 Als man ez vor zochte
0,14603 Sie quamen an ir alde behalt
0,14604 Da was die hertſtat kalt
0,14605 Vnde die ſpiſe dunne
0,14606 Man gewunne was man gewunne
0,14607 Oder tete was man tete
0,14608 So was da vngerete
0,14609 Gemaches in en/ wenig geſchach
0,14610 Sie hetten in der ſtat gemach
0,14611 An dem andern tage fru
0,14612 Die wib reiten ſich aber zu
0,14613 Vnde funden gein morgen
0,14614 Die krichen mit forgen
0,14615 Dannoeh in dem gezelde
0,14616 Vnde ladeten ſie zu velde
0,14617 Da geſchach in dem tage
0,14618 Recht als groz clage
0,14619 Als in vor geſchehen was
0,14620 Dez tages ir wenig genas
0,14621 An dem dritten tage alſam
0,14622 Von wiben manic mannes nam

0,14623 An dem tage tot lag
0,14624 Do er gangen was der tag
0,14625 Vnde velt vnde gras
0,14626 Von rittern alles vol was
0,14627 Tot gewunt vnde lam
0,14628 Den krichen eine botschaft quam
0,14629 Des wart gefrauwet ir mut
0,14630 Wan die botschaft was in gut
0,14631 Daz mit finen schiffen
0,14632 Den stat hette begriffen
0,14633 Der kuneg menelaus
0,14634 Vnde mit im pyrrus
0,14635 Herren achilles fun
0,14636 Des frauwet sich agomenon
0,14637 Vnde daz her algemeine
0,14638 Vnde ritten im engeine
0,14639 Die herren sie enpfingen
0,14640 Mit allen den dingen
0,14641 Daz der nictes gebragt